

**OPTIEK**  
Oranjestad  
San Nicolas

**Spritzer Fuhrmann**

# ARUBA ANSE COURANT

**CRUSH**

Diario



pa Aruba

**DRINK**  
**Coca-Cola**

**Schlitz**  
The Beer That  
Made Milwaukee Famous

DIABIERNE 5 DI MEI 1961

Nr. 4028

## Sr. Van Doorn tocante Antillas Neerlandes y Surnam GRAN ADMIRACION PA E PUEBLO Y GOBIERNO DI ARUBA

AMSTERDAM, 4 mei — E presidente di K.V.P., mr. H. van Doorn a duna un splicacion extenso tocante algun punto en relacion cu desarollonan economico, social y politica di Antillas Neerlandes y Surnam, durante un discurso cu el a tene pa circulo di K.V.P. na Amsterdam.

Senior Van Doorn a lamenta e hecho cu el a permanece asina poco tempo na Antillas, cu no tabatin oportunidad pa bisita e otro islanan cu ta St. Maarten, St. Eustatius y Saba.

Tocante turismo pa Saba senior Van Doorn a bisa, cu turismo di naturaleza lo ta mas preferible, cu turismo di lujo. E presidente di KVP a duna gran admiracion pa pueblo di Aruba cu ta lucha cu tanto energia pa logra desarollo di nan isla. E desventaja cu Aruba tin ta e escasez di awa continuo cu tin aya, loke ta haci e isla menos atractiva pa instalacion industrial.

En relacion cu Corsow senior Van Doorn a aboga pa extende aeropuerto Albert Plesman, eventualmente cu yudanza di Hulanda. E aeropuerto aki

ta importante pa Corsow Hulanda y pa KLM, pasobra e ta forma e punto principal pa trafico aereo den Caribe. E presidente di KVP tabata aprecio pa e hecho cu na Corsow no ta existi obligacion di censuraz. Esaki ta nifica hopi, esta den sentido satisfactorio. Loke te asunto di cas pa pueblo senior Van Doorn ta di opinion, cu segun principionan Europeo, e situacion aki ta masha malo asina mr. H. van Doorn, presidente di KVP na Hulanda a declara na Amsterdam.

### A hanja 24 solda Ghanes hoga na riu di Franqui

LEOPOLDSTAD, 4 mei. — Algun miembro di forza militar di Nacionnan Uni a bisa diarazon na Leopoldstad cu den un rio na Franqui nan a hanja cadaver di 24 solda Ghanes. Parce cu e homber a ser mata cu bala. Den cuartel general di forzanan militar di Nacionnan Uni na Leopoldstad nan kier a confirma ni desmenti e noticiacion aki. Nan a cuminsa un investigacion.

For di diabiernes nan a perde militarnan Ghanes den hal di Franqui.

## Spion Ingles George Blake a hanja 42 anja di prison

LONDRES, 4 mei — E spion ingles George Blake, cu Dia Razon a ser condena na un castigo di prison di 42 anja, pasobra el a duna secretonan importante di estado na Union Sovietica, lo apela contra e castigo.

Blake ta yiu di un tata Ingles y mama Hulandes. El a nace na Amsterdam. Segun e ultimo noticiacion George Blake a traha durante e segunda guerra mundial pa agencianan Britanico na Hulanda. E lo a hui bai Inglatera via Spanja y Francia.

Blake cu ta ser yama un conocedor di idioma na sirbi den marina Ingles for di 1943 te 1948. Su prome puesto tabata vice-consul na Soel. Na 1950 el a ser internu pa comunislanan. Na anja 1951 durante su esadia den un campamento nort-Coreano e lo mester a yega na e conclusion cu e sistema

comunista lo mester ta mihor cu esun occidental y tabata mercede victoria. Despues cu el a ser libera el a regresa Inglatera.



**Muchanan cu stichi**  
ORANJESTAD — Patrulla di stad a tende diarazon atardi cu muchanan baldi tabata tira parhnan cu stichi den Willem de Zwijgerpark den J. G. Emanstraat. Dos mucha, W.N. (12 anja) y J. O. (13 anja) tabatin stichi cu nan. Patrulla a hiba nan warda y aya nan a hanja un bon sual, prome cu nan por a bai cas.

**F. A. T. U. M. — Tel.: 1845**  
pa tur ba asegurado

### Hanja y perdi

Constant Richardson di Sibeliusstraat a hanja un boshi di jabi. Entre nan tabatin uno di postbox 70. El a hanjnan den postkantoor. Marina Romero, Trupiaalstraat 5 a perde fls. 75. —den No. 1 Store.

N. Maessen di Balashi 2 a perde un cartera di cuero conteniendo fls. 8. — dilanti di Trocadero.

### CONSUL NOBO DI PANAMA PA NOS ISLA

ORANJESTAD — Sr. Ramon Garcia de Paredes a wordo autoriza pa e Ministerio di Relacionan Exterior di Panama pa ehere trabahnan consulario na Aruba. Sr. De Paredes a jega nos isla dia 22 april y su oficina ta na Alablancstraat 4, na Simeon Antonio. Ya el a cuminsa caba cu su trabahnan y dentro di muy pronto e ta spera na hanja su nombracion oficial di consul. E consul nobo aki asina lo sucede e actual consul sr. J. Eskildsen. Sr. De Paredes ya a jega di traha caba na New York, Barcelona (Spanja), Marsella (Francia), Argel y Caracas den Embahadan di Panama.

### MAS SHOW DI GOLDEN ROCK STARS

SAN NICOLAS — For di sr. Hendrik Wernet, director di e show di Golden Rock Stars nos a tende cu e ultimo presentacion den Golden Rock Club a ser asina gusta, cu nan a dicidi na continua cu e show aki. E biha aki nan lo aceta den otro clubnan. Dia 13 mei e „Stars” nan ta den Trappers Club, na Santa Cruz, e dia siguiente den Bonaire Club na San Nicolas y dia 15 mei den Lago Heights Club. A hini dos grupo nobo aerea y esakinan ta e trio di damas „Las Trepadoras” y grupo di damas cu ta baile musica di e folklore Venezolano.

### SOEURNAN DI BETHANIE TA SPERA NA HABRI „CASACUNA” NA BRAZIL

BRAZIL — E soeurnan van Bethanie di Imelda Hof na Noord ta spera na luna di agosto di e anja aki na habri un cas pa muchanan chikito na Brazil tambe. E cas aki lo sirbi como un lugar na unda majornan cu tin di traha den dia por laga nan jiuhan chikito pa cuida. Anja pasa na luna di agosto e construcion pa tal cas a cuminsa na un sitio, pega cu e misa di Brazil. E construcion ta bayendo bon y asina leuw cu ya tin algun di e soeurnan ta habia eyden. Na luna di agosto venidero nan ta spera cu e lo ta completamente keda pa worde habri oficialmente cu ceremonianan manera bendicionamento, etc.

Mas o menos 6 di e soeurnan di Bethanie lo bai traha den e cas aki, cu lo hanja e nomber di Martinus de Porres.

### ANTILLIAANSE REISVER- ENIGING A ELIGI DIRECTIVANAN

ORANJESTAD — Dia 2 mei p.p. den Centro Cultural a ser teni e prome reunion pa miembronan di e Antilliaanse Reisvereniging. Durante e reunion aki, cu a hanja asistencia di mas o menos 45 miembro, e statuten a worde anroba y tambe dos directiva a keda eligi.

E directiva central ta manera ta sigi: Presidente: K. Norder, miembronan: M. S. Kuiper, P. H. W. van Niel y srta. J. Lock. E directiva seccion Aruba ta lo siguiente: Presidente: T. Schwenke, J. J. Spetter, E. M. Tromp, J. Snijders y srta. J. Winkelmolen.

A ser trata tambe durante di e reunion aki riba e viahenan pa Colombia y Puerto Rico/St. Maarten, cu ta para riba e programa pa e anja aki. Nan a clausura e reunion cu pasamento di algun slides riba e paisnan ya menciona y un pelicula di Delta Air Lines titula: „Caribbean Souvenirs”.

## E MIHOR REGALO PA DIA DE LAS MADRES....

renchi di oro	di 18.50 p'ariba
renchi di oreo di oro	di 13.50 p'ariba
broche di plata	di 2.— p'ariba
holoshi Zodiac	di 57.50 p'ariba
Set di 6 glas	di 5.50 p'ariba
collar di cristal	di 12.50 p'ariba



**KAN, INC**

joyeros desde 1918

## Commemoracion di victimanan di gera Petrona: „Un deber cu nos ta cumpli tur anja cu amor y devocion pa esnan cu a bai”

ORANJESTAD — E mesun bista di tur anja, un cincuenta invitados y algun publico alrededor di forti Willem III, a muestra ayera mainta na momento cu e ceremonianan pa conmemora esnan di Aruba cu a muri den e Segunda Gera Mundial a tuma lugar pa nubl'or di mainta. Den prescencia di e.o. Gezaghheber Interino E. O. Petrona, diputado Wernet, secretario di isla J. C. M. Kerstens, sr. O. S. Mingus y otro personanan di Lago, di gobierno, polis, marina y autoridadan eclesiastico y consulario, sr. H. Booi, hefe interino di Voorlichtingsdienst a conduci e ceremonianan corto.

Despues cu e tambor y piper di e Marinierna di Savaneta Kamp a duna e signal pa silencio y e Wilhelmus a ser toca, sr. Booi a introduci e prome orador. Gezaghheber Interino E. O. Petrona, di e mainta.

### Deber di tur anja

„Awe atrobe nos ta recorda esnan cu a muri den e ultimo gera mundial.

Esaki ta un deber cu nos ta cumpli cu amor y devocion pa esnan cu a bai laga nos den e lucha grandi y humano cu nos pais mester a hiba den e ultimo gera mundial, pa mantene su dignidad como un nacion independiente, como ehemplo di democracia entre e pueblonan liber”, tabata e palabranan cu e Gezaghheber Interino a principia su discurso den e mainta solemne aki. Sr. Petrona a sigi mas leuw mustrandocom nos sentimento di union como pueblo di e Reino Hulandes ta worde jena cu evenementonan alegre di carater nacional y otro fiestan, pero tambe na mesun manera y mes profundo ta worde alcanza y stimula door di ceremonianan manera esun di ayera mainta, den cual a ser recorda e victimanan, e heroenan cu a muri pa motibo di

nan amor patriotico. „Ceremonianan manera esaki, den cual nos ta para keto un rato na e hecho, cu nos mester ta dispuesto, mesos cu esnan kende nan partida nos ta recorda na e momento aki, pa duna nos bida pa nos suelo natal”.

### Pakiko nos ta recorda?

„Ta pakiko nos ta recorda esnan cu a muri ainda?”, ta un pregunta cu Dr. A. H. Jakobs a pone na inicio di su discurso. „Talvez nos recordacion ta un tenemento fuerte na e algo, cu uga vez a hiba den corazonnan y loke cu en realidad ya a muri? Di esey t'asina, lo no ta mihor pa laga pasa loke ya urta vez a pasa caba?” Esakinan y mas preguntanan e dominee a puntra su mes na e momento di e preparacionnan pa recorda esnan cu a muri. „Mi ta kere cu no tabata un casualidad, cu riba e dia di recorda e victimanan anan a pidi e servidoman di Iglesia pa hiba palabla. Eseynan pues ta hendenan cu tin e pretencion di tin un palabra, ma e Palabra, e ultimo y definitivo riba e mundo aki.”

### Ultimo orador

Ultimo orador di e mainta tabata rev. pader E. Erkamp di San Nicolas kende e.o. a usa palabranan manera ta sigi.

Awe cu nos pensamentonan ta n'e gran numero di conoci y desconocidnan, cu pa nos libertad a dranta nan

sanger, nos no por lubida nan actitud generosa.


Sr. nos euronan ta alarma ora nos corda e crimenan horrendo, comei pa cinco anja largo, for di cual, mayoria bez, pa esnan di mas balente entre nos a b'ra victimas. Pero nan digno ehempel ta forza nos di alcha nos pensamentonan for di cada señal di venganza. No solamente e palabranan di nos heroenan no ta contene ningun sintimento di odio, sino ta resona tambe e confianza cu cada un di nos mester contribui, personalmente, na un mundo nobo, pa cual nan a perde nan bida.”

E ultimo punto riba e programa pa ayera mainta tabata ponimento di kransnan na e plaachi di hero cu nomber di e victimanan. A hini kransnan di Teritorio Insular di Aruba, di Marin'erskazern Savaneta, Compania Shell, Vereniging van Reserve Officieren afd. Aruba, Onze Vloot afd. Aruba, Lago Oil & Transport Co. Ltd., KLM, KNSM, Maduro & Sons Aruba N.V., Fa. E. & G. Martijn Aruba N.V., Consulado di Venezuela, Consulado Ingles y por ultimo un bouquet di flor di sra. Angelica Anthony.

E tambor y piper di Marin'erskazern Savaneta a toca e „taptoc” cu a pone un fin na e ceremonianan corto di ayera mainta.

## Proyecto di ley acepta pa Congreso Mericano

WASHINGTON, 4 mei. — Congreso Mericano a acepta un proyecto di ley ayera, pa hiza e sueldo di un dollar te un dollar 25 cents pa ora. E ley nobo aki lo dreña na vigor na 1963. 24 miljoen obrero lo probecha dje aumento aki.



Esaki ta e bapor di bela di Merca „Albatros” cu diarazon a sink den Golfo di Mexico den un terrible tempestad. Segun noticianan seis persona entre cual e senjora dje kapitan a muri. Un bapor di Scheepvaartmij Suriname, „Gran Rio” a coge 13 sobreviviente. Algun luna pasa e yate bu-nita aki tabata na Corsow.

## COCO-RICO

den nomber di  
**ARUBA BOTTLING COMPANY**  
ta anuncia wega di JUNIOR LEAGUE pa  
awenachi, 5 di mei pa 8.00 'or p.m.

den  
**WILHELMINA STADION**  
**COCO RICO (O'slad) vs. COCOMALT (Brasil)**  
(Finale knock-out Copa Juliana)

Aruba Bottling Company, e planta di soft-drinks  
di mas bleuw estableci na Aruba cu su  
productionan di calidad.





SUAVE Y AGRADABLE  
**CIGARIA ANTILLANA**  
AGENTE PA ARUBA: J. H. CROES, AURORA BAR,  
TEL. 1941.

**HBU**  **HBU**

**un vacante sin preocupacion!**

H.B.U. ta founibo cu placa estranhero....  
H.B.U. ta segura bo mes y bo equipaje....  
H.B.U. ta warda tur bo papelnan y obhetonan di valor den caha di seguridad....



**Haci Bon Uso**

di  
**HOLLANDSCHE BANK-UNIE N.V.**  
ORANJESTAD - SAN NICOLAS

**Dennis, de Schrik van de Buurt**



„Mevr. Wilson zei, dat ik kon blijven tot je gezicht rood begint te worden!”

„Sra. Wilson di, cu mi por keda te ora bo cara cuminsa bira corra!”

Pa mihor kilometrahe....  
**ACUMULADOR**  
**WILLARD**  
**POTENCIA MAXIMA**

Economia di combustible, mihor funcionamiento di e motor, salida instantaneo.... bo por logra solamente cu e acumulador Willard di potencia maxima. Evita gasto innecesario, obtene mas provecho.... compra Willard, e acumulador cu ta brindabo mayor seguridad.



**Willard**  
SILVER MASTER  
WITH SILVER METAL

**JOSSY MOTORS**  
WILHELMINA STRAAT 91  
Aruba



Esaki ta e pareha Joonchi y Linda Croes cu diarazon anochi a celebra nan boda di oro cu un grandioso recepcion na cas di sr. J. C. Lacle.

## Linda y Joonchi Croes a recorda 50 anja casa

ORANJESTAD — E pareha Leoncio (Joonchi) y Rosalinda (Linda) Croes di Santa Cruz 102 diarazon tabata den e centro di alegria pa motibo di a celebra e dia ey e lunheo di oro di nan matrimonio, contrae 50 anja pasa den Iglesia Inmaculada Concepcion na Santa Cruz. E celebracion a tuma lugar na cas di sr. Jan C. Lacle, un yerno di e pareha, riba A. I. Boulevard.

Un cantidad grandi di invitados entre cualnan varios sacerdotenan a muestra nan atencion e anochi ey, y despues di a felicita Joonchi y Linda, nan a baila te marduga cu „Estrellas Musical”.

### Familia alegre

E jiu y nietonan a sorpresa nan majornan cu un programa hon prepara. For di tempran cuba tabata na-vega den e swimmingpool d' e cas, un gondola cu e numero 50 enana riba dje, un trabau di Frans Croes, un jiu homber. Despues Stella van der Ree-Croes y Heleg Croes, e dos jiu muhernan di mas hoben a dirigi un show chikito, den cual solamente nietonan d' Joonchi y Linda a participa.

## Declaracion di portavoz di Nacionnan Uni

LEOPOLDSTAD, 4 mei. — Un portavoz di Nacionnan Uni a declara diarazon na Leopoldstad cu un unida potente di trupanan Liberiano di Nacionnan Uni ta na caminda pa Port Francqui, na substitui e trupanan Ghanes cu ta staciona aya.

E Liberianonan lo colabora cu trupanan Congoles na Port Francqui. Accion di Nacionnan Uni na Congo a costa bida te ainda di 21 miembro di personal dje organizacion, mientras cincuenta homber ta ser perdi. 28 Militar dje Nacionnan Uni a muri den accidente di morto natural.

Cu canto, baile y musica e muchanan aki a muestra nan aprecio y stimacion pa nan abuelonan.

Tabata un show cu a cai na agrado di tur e presentenan. Baile a sigui despues te marduga bati notanan alegre di „Estrellas Musical”.

E pareha mes ta sintinan noben y ta masha contento, principalmente ora nan mira tur nan d'edos jiuinan, Niniña, Titichi, Marie, Chida, Fanfan, Henny, Be to, Maiky, Vera, Stella, Lurito y Heleg na bida ainda. „Y nos a bida masha feliz tambe”, nan a agrega finalmente.

## Welga di ochenta mil obrero na Dinamarca

KOPENHAGEN, 4 mei. — Ochenta mil obrero na Dinamarca, cu a cuminsa welga for dia 11 di april, a d'icidi na cuminsa traha atrobe. Nan a acepta un contrato di trabao colectivo, cu ta valido pa dos anja.

Cuarenta mil obrero di transporte cu a cuminsa welga riba e mesun fecha mencionada, no a cuminsa traha ainda. Slachternan Danes y obreronan di ratriennan cooperativa di carni, en total diez un mil homber, a cuminsa un welga awe.

## Adoela den un entrevista radial

COQUILHATSTAD, 4 mei. — E ministro Congoles di relaciones exteriores, Adoela, a bida diarazon durante un entrevista na radio, cu presidente Chombe di Katanga a pidi permit pe tuma parti ne conferencia di lidernan Congoles na Coquilhatstad. Den circulonan dje conferencia nan ta bida cu ando no tabatin contesta riba peticion aki, pero nan ta studia e kestion.

Adoela a bida ademais, cu Chombe lo no ser traslada pa Leopoldstad.

# Mas noticia respecto alto di fuego na Laos

VIENTIANE, 4 mei. — Segun a ser informa awe na Londres e gobierno Laosiano na Vientiane tambe a duna su trupanan orden pa stop di bringa. E vice-premier, general Nosavan, a participa cu e gobierno a acepta e proposicion di e rebeldenan pa stop tur operacionnan na tur frontera cu fecha di awe.

Prins Sovanna Phomma, e lider di e grupo neutralista na Laos, ta considera e reunion di e 14 potencianan e medio mas eficaz pa soluciona e problema di Laos riba terreno internacional. Esaki ta para den un declaracion cu el a entrega e encargado di negoc'os di Union Sovietica y Inglaterra na Hanoi, asina e agencia Ruso di noticia Tass ta informa.

Prime cu tur cos e cuestion di Laos mester ser soluciona pa e pueblo di Laos mes, door di tur e gruponan cu ta relaciona na e asunto ey, segun e prins.

Un encuentro pa firma armisticio na distancia di 40 km. na sur di Vang Vieng

Segun noticianan cu a ser ricibi na Vientiane a bini un contacto entre representantenan di gobierno y di rebeldenan riba un territorio di 600 mieter banchu, caminda no tin ningun militar di ningun partido, y cu ta situa na un

distancia di 40 km. na parti sur di Vang Vieng.

Tur observadornan occidental na Vientiane ta di opinion, cu es siman aki mes e comision internacional pa control lo yega na Laos, pasobra esaki ta unico manera pa evita incidentenan cu por tin como consecuencia cu e lucha lo bolbe cuminsa.

## Delegacion Chines a yega Rio de Janeiro

RIO DE JANEIRO, 4 mei. — Un delegacion Chines di comercio bou di direccion di nan Han-Chen, presidente d' e comiso Chines pa aumento di comercio internacional, y Tsou Szu-Yi (vice-presidente di e delegacion) a yega Rio diarazon.

E delegacion ta haci un bishita na Brasil riba invitacion di gobierno Brasilenyo, e comision Brasilenya pa aumento comercio internacional y e federacion nacional di industrianan.

## INFORMACION DI POST-KANTOOR

### Carta sin entrega na San Nicolas

- A. Antonia Arrindell, Cornelius Allen.
- B. Faustina Brown, Agatha Bartholomew, Cristina Patricia Barbieu, C. A. Birshy, Arnan Barry, Wilton Blair.
- C. Claudina Connor, Festina M. A. Charles, Marie Charles.
- D. M. G. Mendez Diaz, g.
- G. Marjorie Gibbs, Isabel Gresham.
- H. Louise B. Hunt.
- J. Laura J'menez, William Jackson, Beryl James.
- L. Maria Lindenberg, Rose Lake, Gladys Levenstone.
- M. George A. Mc-Intosh, Gloria Martina, Helena Matheson, Myrna Mc-Intosh, Rene F. Medonne, Jose Pedro Martina, Randolph Modeste, Eneser Marlin.
- N. William Newton, Gerardo Ramon Nicolas.
- P. Johan B. Pieters, g. David A. van Putten, Elizabeth Paul, J. Pereira, Dandra Peters.
- R. August Roda, R. A. Roosberg, The Randevoug, Felicitas Reyes, Glorine Richardson.
- S. Nora Suarez, Isabel L. de Senehi, Augustine B. Semeral.
- T. S. Tuitt.
- W. E. Weyers, Edward S. Wills, Mary M. Wilson, Josefa Wilson, Mande Williams, G. W. Weerensteijn, Flossie Warner.

## Carta di esposa di Eichmann

JERUSALEM, 4 mei. — Esposa di Eichmann, Vera, a skirbi fiscal Hausner un carta den cual e ta bisa, cu nunca su casa no a duna orden pa mata ni un hudio. Eichmann ta victima d' intriga, asina e yiu homber di Eichmann a declara diarazon na Buenos Aires. Vera ta bida na Argentina.

Den su carta senjora Eichmann ta bisa, cu su esposo semper a lucha na favor di pueblo hudio y a yudanan te caminda e tabata por. E carta a ser manda luna pasa.

## Transportacion di ex-general Challe

PARIS, 4 mei. — Ex-general Maurice Challe a worde transporta den un auto di arestante for di prison. Sante pa edificio di justicia na Paris, pe prome interrogacion.

Challe a entrega su mes dia 26 di april, despues di a caba di disigi e revolucion mes dia el a worde transporta pa Paris y detene den prison.

## Proposicion di Kennedy na Alberto Lleras


BOGOTA, 4 mei. — Presidente Kennedy a propone presidente di Colombia, Alberto Lleras, pa convoea un conferencia di ministronan di relaciones exteriores di paisnan Americano, pa discuti e kestion di Cuba, Lleras no a contesta e proposicion ainda.



Sra. Marietta P. Tree, un voluntaria den ramo di Derecho Humano y Politica, a ser nombra recientemente pa presidente John F. Kennedy como representante di Estados Unidos den comision di Nacionnan Uni den departamento di Derecho Humano. Sra. Tree ta e di tres dama cu ta ser nombra den e puesto aki. Su precedentenan tabata Sra. Oswald B. Lord y Sra. Franklin D. Roosevelt. Riba e portret nos ta mira e momento solem, cu e coremonianan di huramento a tuma lugar den oficina di Nacionnan Uni, den presencia di e embahador di Estados Unidos, Adlai Stevenson, y senor Zachary P. Geaneas, oficial di administracion di e comision di Estados Unidos.

## HOROSCOOP


ARIESNAAN  
11 Maart — 21 April

 Queda na bo punto den tur cos cu tin haber cu bo cartera. Reduci bo gastunan.


TAURISNAAN  
21 April — 21 Mei

 Lo ta un fout di bo parti si bo larga nan seduci bo y hiba bo riba nial camina.


GERMINENAN  
22 Mei — 21 Juni

 Cumpli cu bo debernan y percura principalmente di cumpli cu bo promesa.


CANCERNAN  
22 Juni — 23 Juli

 Bo debernan diario lo por tene bo awe ocupa asina cu lo resta poco tem pa otro cosnan.


LEONAN  
24 Juli — 23 Augustus

 No confia mucho rba ottonan, pasobra di cosnan ta bo mes mester haci.


VIRGONAN  
24 Augustus — 23 September

 Tene cuenta awe pa bo no tin di traha di mas of tuma mucho encargo riba bo lomba.

LIBRANAN  
24 September — 23 October

 Larga hendenan den bo ambiente papia numa nan quier y sigui bo idea bai.


SCORPIONAN  
24 October — 22 November

 Tira na bista riba placa contant of cosnan valeroso. Trata di no perde nada.

SAGITARIUSNAAN  
23 November — 21 December

 Evita cada aventura cu por perjudica bo interesnan of bo prestijio.


CAPRICORNUSNAAN  
22 December — 20 Januari

 No cerra mucho libe amistad cu hendenan cu apenas bo a sinja conoce, pasobra esei n'a bon.

ACUARIUSNAAN  
21 Januari — 19 Februar

 Ta facilmente pa bo equivoca bo den un persona of un caso. Pesei, pensa bo bon prome.

PISCES  
20 Februar — 20 Maart

 Traa na suspens de viajenan, conversacion y bishitanan si acaso esei ta posible.

## Limitacion di Castroismo te na Cuba

WASHINGTON, 4 mei. — Presidente Kennedy a d'icidi na limita „Castroismo” te na Cuba y pa domine den e pais ey. Por otro parti Kennedy lo concentra su mes na biza nivel di situacion di bida dje sobra paisnan latino Americano. Segun circulonan bon informa Kennedy a yega ne conclusion aki, despues di diferente deliberacionnan cu ministronan y ambtenaarnan halto.

Gobierno Mericano lo no lene un intervencion militar na Cuba, solamente cu Fidel Castro transforma Cuba un base, custa bira un amenaza militar pa Merca.

**PETRONA & CROES**  
Dakota - tel. 1712-1639  
PA TRAHIA PLAN DI CONSTRUCCION, BESTEK Y BEGROTING



## Rapid 1 y Rapid Red a gana torneo di volley di Brazil

(Di nos redactor deportivo)

Dos equipo di Rapid a sali vencedor den e torneo eliminatorio organisa door di Brasil S.V. Den e division femenino Rapid Red a obtene e copa door di gana La Fama den tres game sigi. E partido cual siendo final tabata pa „best of five“, a caba den e siguiente forma. E primer game 15 pa 13, e segundo 15 pa 4 y e tercer 15 pa 13.

E equipo masculino Rapid 1 a derota Brazil den e semifinal 2 pa 1. E primer game di e match aki a caba 15 pa 10 den favor di Rapid. Brazil ta reaccionar fuertemente den e segundo y ta gana cu diferencia grandi di 15 pa 2. Pero e sexteto di Rapid 1 no ta entrega y ta bin back pa gana esun decisivo 15 pa 10. E triunfo aki a hiba Rapid den final contra di e fuerte equipo di Flash.

Esun aki a tuma luga dia Razon anochi y a worde presencia pa masha hopi fanatico. Y a bira un partido emocionante, bunita y yen di bon hugada. Henter e circo gamenan mester a worde hunga pa worde dicidi ta cual ta e campeon di e torneo Brazil.

Flash ta bai adanti ganando e primer game 15 pa 12, pero e segundo ta caba den favor di Rapid 1 cu anotacion di 14 pa 16.

E tercer game ta bira uno facil pa Rapid 1 ya cu nan a gane cu score di 15 pa 4. Loke a pone e publico pensa cu e animo di Flash lo a caba. Pero Flash no ta entrega ainda y ta trece mas emocion den e partido ganando e siguiente set 15 pa 13, cu lo cual nan ya empatar e gamenan na 2 pa binda.

Esun decisivo ta caba cu score di 15 pa 12 na favor di Rapid 1 loke a hiba nan ganador den e division masculino tambe.

**Entrega di copa dia-domingo p.v.**

Despues di dos parti amistoso, uno femenino entre Rapid Red y La Fama y e otro masculino entre Brazil y Rapid II, entrega di e copanan lo tuma luga dia Domingo awor, dia 7 di mei. E primer wegá lo cuminsa pa 10'or d' mainta.



Aki riba por mira e havenmeester C. H. Beaujon (r) entregando e copa pa prome premio di landamento na dokter Henriquez, riba anja di La Reina.

## Resultadonan di Little League

(Di nos redactor deportivo)

Viana a duna Arrow un paliza di nada menos cu 31 carrera pa 3 conectando 13 hit, mientras cu e flecheronan a acumula unicamente tres contra di e pitcher ganador Duncan. Un error a worde cometi door di Viana y cinco door di Arrow. Pitcher perdedor tabata Maduro.

Nutricia a obtene otro triunfo contra di Wrigley's P.K. cu score di 3 carrera pa 2. E hitman conecta tabata 5 pa Nutricia y 4 pa Wrigley's, mientras cu erronan tabata 1 di Nutricia y 8 di Wrigley's. Pitcher ganador V-Tromp y perdedor I. Kock.

E fuerte novena di Super Cleaning a supera Libby's cu score di 9 carrera pa 2 dia Razon anochi. Un total di 7 hit a worde conecta door di e muchanan di Super Cleaning, kende a comete 6 error. Libby's a liga 4 imparale y comete 8 error.

Pitcher ganador tabata Barry y perdedor Geerman.

### Resultadonan di Junior League.

Den un magnifico partido Don Bosco a gana Coco Rico cu anotacion di 5 carrera pa 3. Seis hit a worde conecta door di e perdedor. Mientras cu e ganador nan conecta total di 7. Coco Rico a comete cuatro error y Don Bosco a hunga impecablemente respaldando un bon pitchero di Maduro, kende a resulta ganador. Pa Coco Rico a perde Albus. Don Bosco a obtene su segundo triunfo sigi derrotando

do e novena di Friesse Vlag cu anotacion di 10 carrera pa 3. Nan a conecta 6 hit contra di 5 di Friesse Vlag. E erronan tabata dos pa Don Bosco y 4 pa Friesse Vlag. Jack a resulta pitcher ganador y Williams perdedor.

### Finala pa Copa Juliana awe noch

Entre e novenanano Coco Rico y Cocomalt ta worde hunga awe noch den Wilhelmstadion e finala di e Torneo Eliminatorio pa Copa Juliana di baseball. Cual e anja aki a worde hunga entre e equiponan di Junior League. Un interesante partido ta warda e fanaticonan awe noch. Ya cu e ganador lo hiba e prome copa duna na nos isla na un team como ganador di un torneo di junior-league.

### Comentario di „Diario Popular“

LISBOA, 4 mei. — Un corresponsal na Rocanda di e corant Portuges „Diario Popular“ a anuncia cu rebelde nan den parte norte di Angola ta continua cu nan atakanan den e pueblonan y plantacionnan mas leu. Nan a destrui tur e plantacionnan den region di Maquela do Zombo.

Ayer rebeldenan a ataca tres otro pueblo. Anke e rebeldenan tabata bon arma, e Portugesnan a logra vence nan.

## Cumpleanjos

Ta celebra su feliz aniversario 60 Aleandrina Everts y ta ricibi felicitacion di su mama, padrasto, rumannan Boy, Nico, Chechi, Lina y Lulu, wela, tío y tianan, prima y primonan y gentas familia, tur ta desea Alie hopi anja mas di bida y hopi felicidad.

E hobencito Adrie Paesch ta celebra su feliz cumpleanjos y ta ricibi felicitacion di su tata Jan, mama Sara, rumannan Mathilda, Tina, Sira, Cornelia, Catrictje y Bea, especialmente di su omio Challo di Mamama y di Isabella.

Ta cumpli anja e hobencito Rudi Nicolaas y ta ricibi felicitacion di su mania Leon Nicolaas, rumannan Ronny, Maiky, Lulu, Anna, Ivan, Rafaelito, welo y wela, tío y tianan, prima y primonan y demas familiar nan na Aruba, Bonaire y Curacao.

Ta cumpli 7 anja e hobencito Rolando Thielman y ta ricibi felicitacion di su tata Cerapio, mania Erodita Thielman, rumannan Fernando, Gloria, Judith, Ricardo Thielman, welo y wela, tío y tianan, prima y primonan, padrino Adolf Robles de Medina, padrina Aura Lamonic, tur su amigonan di iste klas na Brazil y demas familiar nan.

## Na Birma un bus a cai den precipicio

RANGOON, 4 mei. — Na central Birma un autobus cu 60 Pelgrimista a cai den un precipicio. 23 di e pasaheronan a muri y tanta a ser herida. E chofer, kende tabata fumá, a hui pero despues el a ser aresta.

## Explosion di fabrica di vuurwerk na Caracas

CARACAS, 4 mei. — Pa motibo di un explosion den un fabrica di vuurwerk den centro di Caracas, 27 persona a perde nan bida y 30 a worde herida. E fabrica a keda destrui, cuater cas den e vecindario ey a rementa na fida pida. Tur habitantenan a hui. E pida nan dje casnan a cai hasta te na distancia di ocho cien meter. Na un distancia di dos cien meter nan a nanja endaver di un mucha mucher di 13 anja cu tabata biba den un dje casnan.

Otro cas a nanja danjo. Mas o menos 40 auto cu tabata den e casnan di garashi a worde destrui di nanja danjo. Parce cu e fabrica aki no tabatin permit pa traha vuurwerk.

Un bista di e interes enorme cu a reina pa e baile di cinta y pa e otro eventonan na Paradera riba Anja di La Reina.



## Agenda

ARUBAANSE COURANT  
diariamente cu excepcion di diasdomingo

Edició na N.V. ARUBAANSE DRUKKERIJ, 88 UITGEVEREN EN PUBLICITEITS MAATSCHAPPIJEN B.V. - O'fied, Aruba N.A.  
Suscripcion /3.- paga adelantado  
Edició sueltu 20 ct.

Telefon: 1110 Directiva y anuncio  
1110 Redaccion y suscripcion  
Directeur-hoofredacteur: D. Wolf  
Imprenta na N.V. Drukkerij „De Sted“  
Edició sueltu obtene na 18 cent na:  
Union Store, San Nicolas - Boekhandel  
Mariska, Oranjestad - y Cabana Shop,  
Aruba Caribbean Hotel.



DISTRIBUTOR  
**WIMCO**  
Nassaustraat - Tel. 1399-1381

## CINE

Diabierne 5 di mei  
DE VEEER: 8.30'or „Continent in vlammen“  
18 jr.  
RIALTO: 8.00'or „Marido a la fuerza“ 18 jr.  
PRINCIPAL: 8.00'or „Bachelor of hearts“  
18 jr.  
AURORA: NO TIN CINE  
SAVANETA: 7.30'or „The loves of Carmen“ 18 jr.

## WIT GELE KRUIS

Oranjestad: Zr. Ewald  
San Nicolas: Zr. Perpetua  
Santa Cruz: Zr. Ludovic  
Hospital San Pedro di Verona tel. 2200.

## BOTICA DI WARDIA

Oranjestad: BOTICA ARUBA tel. 1080.  
San Nicolas: BOTICA CENTRAL, tel. 5006

## POSTSLUITING Vrijdag

Curacao 9.00 & 16.00, Europa 9.00 & 15.30  
Miami 9.00, New York 8.30 & 15.30,  
Caracas 15.30, Suriname 15.30, Mexico 9.00.

## RADIO KELKBOOM

Diabierne 5 di mei  
8.00 Opening  
8.02 Selection Musical cu disco Latino  
8.30 Cumpleanjos Feliz  
9.00 Variacion Musical cu discos Europeo  
9.30 Musica instrumental  
10.00 Ritmo Latino  
10.30 Noticia di N. Habibe Jr. Supremarket  
11.00 Musica Norte Americana  
11.15 Musica Antillana  
11.30 Musica varia  
12.00 Lunchmuziek  
12.10 Aruba Candie ta presenta „Noticias Local“ (Pap)  
12.20 Intermedio Musical  
12.30 Aruba Boekhandel biedt U „Nieuws in het Nederlands“  
12.45 Intermedio Musical  
12.55 Viana Auto Supply brings you „News in a nutshell“ (Eng)  
1.00 Musica varia  
1.30 Mel ora cu Boleros  
2.00 Variacion Musical  
2.30 Musica instrumental  
3.00 Cha cha cha  
3.15 Merengues  
3.30 Ban spoor p'uea cumprando na La Esperanza  
4.00 Nancheras  
4.30 Noticia na P.p. Gokan-polis y deportiva  
4.45 Cocktail Musica  
5.00 Danzones cubanos  
5.15 Musica varia  
6.00 Calypso  
6.15 Rolando Laserte  
6.30 Diner muziek  
6.45 Voorlichtingdienst  
7.00 Aruba Trading Co. la presenta „Nieuws in het Nederlands“ (Pap)  
7.15 Musica varia  
7.30 Musica Hollandes  
7.45 Aruba Boekhandel biedt U „Nieuws in het Nederlands“  
8.00 Notie americana  
8.15 Colgate-Palmolive ta presenta su novela „Estrellita“  
8.30 Musica varia  
8.45 Variacion musical  
9.00 Hits Internacional  
9.30 Peticiones  
10.00 Sluiting

## RADIO VICTORIA

Diabierne 5 di mei  
11.00 Apertura  
11.15 El Mundo Femenino  
11.30 Melodias di Merida  
12.00 Ultimas Noticias  
12.15 Musica Sacrada  
12.30 World News  
1.00 Radio Concert Hall  
2.00 The Reading Room  
2.15 Sacred Songs  
2.30 The Quiet Hour  
2.45 Ensembles Musicales  
3.15 Cafe con Musica  
3.30 Luz y Verdad  
4.00 Musica di Banda  
4.15 Ecoman Celestial  
4.30 Radio Kid's Bible Club  
5.00 Jovay del Hogar  
5.15 Palabranan di Bida  
5.30 Intermedio Musical  
6.00 Ultimas Noticias  
6.15 Succesos Deportivos  
6.30 Noticias Hollandes  
6.40 Musica Clasica  
7.15 The Bandstand

7.30 Unshackled  
8.00 World News  
8.10 Off the Record  
8.30 Back to the Blues  
9.00 Musical Gems  
9.30 Haven of Rest  
10.00 World News  
10.15 Hymns that Live  
10.30 Sign Off

## RADIO CARACAS TELEVISION

Vietnes 5 de mayo  
8.55 Pictura de Radio Caracas Television  
8.57 Informacion sobre los progr. del dia  
9.00 Documentales  
9.30 Senderos de luz  
9.40 El Calendario de mama  
10.30 Cosas de Mujeres  
11.30 La Perfecta Ana de Casa  
12.00 La C.V.R.T.V. Informa 12 Noticias  
12.05 Su Telenovela FAB  
12.23 Show de Saume  
1.35 El Imparcial Television  
2.00 Panto y Aparte  
2.30 Club Femenino  
3.00 Estudio de Ilector Monverde  
3.15 La novela Fab-Vorita  
3.30 Documental  
4.30 Club de los Ninos  
5.30 Cinevariedades Yukery  
6.00 Show de Henry  
7.15 La Novela Ammen  
7.30 Cuatro Humores Justos  
8.00 El Observador Creole  
8.15 La novela Fab-Vorita  
8.30 Documental  
9.00 La novela Camy  
9.15 Amador de davan en T.V.  
9.30 Teatro Helena Curtis  
10.00 Documental  
10.30 CinePrograma  
12.00 Informacion sobre los Programas de Mañana  
12.10 Marcha Oficial, Himno Nacional

## VOZ DI ARUBA

Diabierne 5 di mei  
08.00 Apertura  
08.03 Nos oracion di mainta  
08.04 „The Lord's Prayer“  
08.04 Thoughts of the day  
08.05 Melodias Matinales  
08.14 Thoughts of the day  
08.15 Viana Auto Supply Co. brings you  
08.30 Melodias Matinales  
08.39 Thoughts of the day  
08.50 Viana Auto Supply Co. brings you  
09.15 „News in English“  
09.45 Ecos Internacional  
09.50 Tontos favoritos  
09.55 E artista di siman  
09.59 Variedad Musical  
10.45 E Orquesta di awe  
10.50 Colgate-Palmolive presenta su novela  
10.55 „La hija del dolor“  
11.30 Fuente Musical  
11.00 Musica di fiesta, manjan y semper  
11.15 Mambos, Merengues y Merengues  
11.45 American Melodies  
12.00 Muziek uit Nederland  
12.15 Mercurius Trading Co. biedt U  
12.30 „Nieuws in het Nederlands“  
12.35 Selection Musical di Merida  
13.00 Viana Auto Supply Co. ta ofrece  
13.05 „Mundo en Marcha“  
13.15 Conjunto y artistanan Antillana  
13.40 Procter & Gamble presentan su novela „LA GATA“  
14.00 Revista Musical  
15.00 Peticiones pa exterior  
15.30 Selection di Musica Popular  
16.00 Complacencias  
16.15 Melodias Amstel  
16.30 Complacencias  
17.00 Felicitando nos oyentenan  
17.50 Musica varia  
18.00 Servicio Informativo di Gobierno  
18.15 Pelrona & Cries ta presenta  
18.30 „El Observador“  
18.30 Musica Popular  
18.35 Spritzer & Fuhrmann  
18.59 Thoughts of the day  
19.00 Viana Auto Supply Co. brings you  
19.05 „News in het Nederlands“  
20.00 Viana Auto Supply ta ofrece  
20.05 „Mundo en Marcha“  
20.30 Colgate-Palmolive presenta su novela  
20.35 „El Valle de los Lirios“  
20.50 „Economia cumprando na la Esperanza“  
20.15 Musica varia

## TA SOLICITA UN CHAUFFEUR

Cu experiencia den entrega di mercancía.

Recomendacion di buena conducta ta indispensable.  
**Aruba Hardware Store**  
(Branchi Arends)

## Semper bonisti:



**PLAYALUX**  
ta specialisa den articulo pa damas.  
Nassaustr. 32 - tel. 1703

## Pa mehor recepcion: T.V. EMERSON



Modelo 1644 o 1646  
cu of sin  
**Wireless Remote Control**  
Tur modelo ta garantiza:  
\* imagen cla.  
\* facil pa handle  
\* material fuerte  
\* sonido perfecto  
**ARUBA TRADING CO.**

## CEMPRO N.V.

Wayacka - tel. 2444  
PA TUR BLOKKI Y CABAJETA  
CEMENT DI PRIMERA CALIDAD

## Nos menunan ta DELICIOSO

Nos „arte culinario“ por complace tur gusto!

Si bo bini un biaha lo bo bolbe!

**Uchee's Place**

## SPORTVERENIGING S.C.A.

ta organisa un  
**BAILE**

dia 10 di mei di 9.30 - 2.30 den club di R.C.A.

Anima pa e conjunto **SONORA DEL CARIBE.**

Caballeros: Fl. 3.— Damas gratis.

## BOLO DI CREMA RIQUISIMO ALGO DELICIOSO!

Den tur smaak.

Bo por hasi bo pedido pa telefoon tambe.

**HOLLANDSE BANKETBAKKERIJ**

Oranjestad tel. 2798 - San Nicolas tel. 5478

## PA UN TIEMPO LIMITADO CAMBIA bo pakinan bashi di bo cigaría preferido

**KENT y NEWPORT**

20 PAKI bashi di KENT mas 1 CENT

pa un bunita BALLPOINT

10 PAKI bashi di NEWPORT mas 1 CENT

pa un bunita BALLPOINT

Serca:

**Casa Matias**

ORANJESTAD

## AMOR Y CAPRICHIO

Pa Tuyuchi

No. 88

Lloyd a camina bai cerca dje. „Mi ta sinti cu mi mester bai Nick“, el a bisa; „pero si acaso bo ta sinti cu bo no por bai cu mi y si acaso bo ta hanja cu e libertad di no ta d'imo di nos cooperacion y cu nos no tin mester di bringa p'e, anto mi ta quer cu no tin motibu pa nos sigui discuti mas riba e punto ei.“

El a pone nan r'ba skoudeman di su muhe.

„Tin un cos mas cu bo mester sa, Rudolf“, el a informa.

„Si“, Lloyd a sigure. „Nan tin mester di dokterman.“

E muhe a queda ta fiba su esposo.

Esaki su wowonan tabata helde, den nan kashi, sia temer. E tabata su quico tabata sper'e; ma toch'e qu'er a bai. El a mira un diferencia grandi entre e Fenton aqui y esun na Georgia; Lloyd tabata perennece na e Fentonnan di Sussex; e ta manera esayanan tabata, un cu nan den tur loke nan tabata hac. El a bisa cu e' sei tabata e amor pa libertad; cu a hac'e regresa; Nicolina tabata sa, cu la un anhelo inmediata a pone regresa Inglaterra.“

„Qui dia bo ta quere cu lo nos tin di bai?“ el a informa.

E hombre a sonrei y a besa su muhe suavemente.

„Tabata manera un hom a explota ora cu Fionie a tende e noticia aki di loke tabata bai tuma luga den e cas na Tygarth Drive.“

Blancu di su wowo tabata lora den su cabes y el a expresa un numero di desparati contra tur esnan cu a cau; sa suspension di su felicidad. E no tabata desca pa e familia Fenton bai y e sei el a demonstara masha visiblemente.

Y el a bisa Nicolina:

„Esei t'e coi soquete di mas grandi cu mi por a yega na tende. Y gincu mi n' contra un mericano cu ta asina tantu ingles manera dokter Fenton. Inglaterra lo mester ta un pais masha lini anto cu bo ta bai ofrece bo muhe, bo yiu, bo cas y tur loke bo ta d'pone pa su libertad.“ Y den su energia y furia el a hiza e pushi tira leu afo. „Y mi n' sa ta quico lo para dje chiquitu aqui. Pueblo ingles no ta come suficiente. Pronto miss Judith lo transform den un esqueleto. Y en aho lo socede mescos tambe. Pasobra bo no por sigui biba riba ha-

vermout cu jam sol“.

Y sara e eriar a bandona e sala. Nicolizing tabata suspira, pasobra e tabata calcula cu Fionie tabata quere cu nan ta loco mescos cu e otro mericanonan tambe tabata pensa ora cu nan a tende di nan viaje.

Pero cu excepcion di Goldstein Esaki tabata e unico persona cu tabata comprende y sinti manera Nicolina. Rudolf tabata scucha tambe na advies d' su amiguan, pero el a sigui cu su mes idea. Un seman despues el a bandona New York, despues cu Nicolina a despedi di dje cu presenciamientan angioso. Diferente bez Organizacion Britanico di Medico a cruza su camina. I tabata puntra cu awor e por a pasa cu mas facilidad door dje muraja diki ei.

Lloyd tabata perenna, durante e dos semanan aki cu tabata falta pa e queda na un bon distancia foy e eriar pretu Fionie, quende tabata mire manera hende cu a mata tur su famianan y el a bisa Nicolina:

„Nick, Fionie ta mira mi cu un

paar di wowo como si fuera ta un monstruo mi ta. E ta quere cu si mi bai cu Judith mi ta bai tene e mura-cha aqui leu foy tur sorio di civilizacion.“

Nicolina tabata reflecciona cu den cierto sentido Fionie lo por tabatin razon, pasobra civilizacion y gera tabata destrui d' otro.

Lloyd a hende su praktikj pa un prijs escandalosamente barata. Despues nan tabata camina bai bini den nan cas di un cuartio na otro pa mira quico nan lo por a bai cune of lan- ga atras.

Tantu cu la posible nan quer a larga tur cos intacto pa nan por bolbe bini habita e cas ora cu nan bolbe.

„Tabata masha difcil pa nan tur dos di mester a bandona e cuartio di Judith. Sin shionnan slout y ch'quitu a ser wel empacquetá, pero a queda tras masha hopi cos, cu tabata ocupa un luga grandi den su curazon; e parada di figuranan di spoki riba e mesa y e sultan chiquiti, e portret nan dje pushi y e cacho na muraja,

e beatana cu e fila di planchianan. Tabata masha duro pa larga semejante cosnan atras. Relacionnan comercial di Lloyd su famia a hui e cas.

A-X

Fania Fenton a bandona e cas anto na Tygarth Drive den tercer seman d' augustus. Fionie a gura su mes na e ultimo momento di despedida na Nicolina y Judith, luego el a bira su mes poco poco pa Lloyd. Y mientras e muhe di color aki a seca un lagrima foy su wowo el a bisa:

„Mi ta spera cu bo concenshi lo no tene bo lamanta, dokter Fenton, pero si e haci esei mi ta spera cu lo bo no lubida cu semper mi tabata contra di baimento foy e liga cam'na bo tabata biba.“

„Pero nos ta regresa pronto trobe“, el a sigura e muhe. „Promi, cu bo hanja chens di pensa cu nos a bai, ya nos a bolbe atrobe.“

Fionie a bira sin entra, a tapa su wowonan cu un punta di su voorschot y a camina drenta e cas.

(E ta sigu)



## CISCO KID

1. "Ea! Haci libe!" "Mi no por corre mas!" 2. "Si mi por distrae nan, quizás Pancho y e hoben logra sepa..." 3. "Esey ya lo no mata ningun hende..."



## JUAN EL INTREPIDO

1. "Un sr. Hunter ta wardé pa un reportaje, excelencia." "Ah... sí... e tabata wardé... pero... quico a pasa?" 2. "Un temerario a atenta contra su vida, excelencia! Coronel Jarj... a descubri." "Hefe di polis secreto semper tabata di mi confianza! Siné, ya lo mi tabata den man di e bordonan..." 3. "Momento despues..." "E hendenan ey! Portley lo a b'sa verdad?... Lo ta laat pa salva Nago y e premier?"



## DICK TRACY

1. Mientras e olaña ta kibra riba e ijs - e wielan di e auto ta pega den e ijs. 2. Pero na e mesun momento un otro peligro ta aparece. "E motor a naga!" 3. "No tin mas gasolina! Esey kier mien no mas calor!" 4. "Y cu e motor paga, pronto lo no ta luz! Quico nos por hacé?"



## RIP KIRBY

1. "Mi no a perde mi unia-nan, sino e guante, sr. Kirby!" "Ban, Gattita, y laga e gran detective sigui investiga!" "Tabata un gran placer." 2. "Awor lo mi mira lo que FBI ta b'sa di e finger-printan den e película bieu di Elise Lamont." 3. "Lo mi bay Desmond, mi tin un pista nobo."



## EL PRECIO DEL TRIUNFO

1. "Jesica Boswor ta un mucha encantadora, sr. Saxton, pero durante añanan largo mi a odia su familia pasobra e la ruina mi tata..." "Warda un rato..." 2. "No! Si mi operé y algo socede... lo ho por convence mi mes cu mi a haci tur lo que mi tabata por?" 3. "Ta duel mi, Saxton! B'sa Sr. Boswor pequito mi no ta hacie!" "Lo mi bisé, Dr. Orwig, pero mi no ta quere!"



## EL DIARIO DE UNA VIDA

1. "Conque mi no por kibra e compromiso asina usina cu Tula?" "Lo ta desagradable p'e..." "Aha..." 2. "Su orgullo lo sufi masha... Corda bon cu e la pasa masha trabai pa perde su gordura!" "Pero... Pero..." 3. "Awor sí! Eureka!" "Mi tin e solucion di e problema!"



## PEPITA

1. "Mi tin hamber... lo mi baha bay busca algo di come." 2. "Lo ho no hanja mucho cos... mi a descon-gela e nevera awe." 3. "I tabatin razon. Tin poco pa se-ge..." 4. "Un sandwich di tapioca no ta bay malo cu un poco di salsa di tomate." "Uf!"



## Chombe a queda traslada di Katanga pa Leopoldstad

COQUILHATSTAD, 2 mei. — Viktor Ndeka, hefe di seguridad di Leopoldstad a declara diadomingo na Coquilhatstad, cu nan lo traslada presidente Moise Chombe di Katanga pa Leopoldstad, caminda nan lo pone un quinta na su disposicion.

E ministro di relaciones exteriores di gobierno central Congolese, a declara:

1. heretacion di Chombe lo depende di desarollo dje sucesonan. Nos a lucha contra Lumumba cu kier a destrui nos pais y na mes manera nos lo lucha contra tur esnan cu ke sigui chemplo di Lumumba. Asina Bomboko a declara. El a bisa ademas, cu en acuerdo cu decisoin di dia 21 di februari tur e conscheronan politico y peligroso di Chombe lo worde manda na Brussel.

Bomboko a bisa cu ne conferencia na Coquilhatstad nan a acepta un resolusion, den cual nan ta condena obstruccion dje delegado Katanges. Den e resolusion aki nan ta exigi pa Marchaussee Katanges worde disolve, si nan no cumpli cu instruccionsnan di president Kasavubu of di hefe supremo congoles, cu ta general mobutu.

Bomboko a duna un splicacion pakico Chombe a worde arresta diarazon pasa. El a bisa cu pueblo Congolese ta desea pa lidernan pone un fin ne crisis. Tempo di vacia a pasa, segun Bomboko. E ministro a bisa, cu na principio dje conferencia di lidernan politico na Coquilhatstad, Chombe a presenta algun condicion cu no por a worde acepta, manera por ehemplo, declara e convenio cu president Kasavubu a cerra cu Nacionnan Uni, como no valido. Tambe Chombe kier a kibra e acuerdo dje conferencia na Tananarive, cual ta stipula formamento di un bono di estadonan Congolese. Chombe ta culpable di a hiba su mes politica riba tur territorio. El a cerra convenionan independiente cu e antiguo Congo Frances. Chombe a ataca nort di Katanga, cu a worde neutralza door di Nacionnan Uni. El a laga traha placa Katanges. Por ultimo Chombe a comete chaotaje economico pa cu Congo.

General Mobutu a declara, cu e heretico Congolese a tuma seguridad di Chombe riba su responsabilidad y cu nan lo peca pa algun hende hanja oportunidad pa asesina e president Katanges.

General Mobutu a declara, cu e heretico Congolese a tuma seguridad di Chombe riba su responsabilidad y cu nan lo peca pa algun hende hanja oportunidad pa asesina e president Katanges.

Anuncio di oficina di prensa Katanges

E oficina Congolese di prensa ta anuncia, cu e conferencia a acepta un proposicion pa desarma di e trupa-



nan na Katanga, provincia oeste y Kivoe.

Tres minister di e gobierno central na Leopoldstad, premier Ileo, e minister di asuntunan interior, Adoela, y esun di asuntunan exterior, Bomboko, ajera mainta a duna orden pa haci proposicionnan tocante medidanan pa tuma contra Katanga, provincia Oriental, y Kivoe.

E hefe supremo di e heretico Congolese, general Mobutu a hefe di servicio di seguridad, Nendaka, a jega Coquilhatstad diabiernes unda nan tabatin un entrevista cu e representante local di Nacionnan Uni. Mas despues Mobutu y Nendaka tabatin un entrevista cu Chombe na e aeropuerto na Coquilhatstad. Durante e entrevista ahi Chombe a bisa cu nan por haci cune loque nan kier, pero cu solamente e ta pidi pa permit su companjeronan bai Elisabethstad atrobe.

Den e conversacion el a admiti tambe pa na Coquilhatstad tene un conferencia cu president Kasavubu, premier Ileo y otro membronan di e gobierno central. Prome cu el a regresa e ciudad el a bisa cu e tin intencion di regresa aeropuerto hack.

Dijes despues di yegada tabatin un segundo avion cu a jega e aeropuerto d' Coquilhatstad, bashi. Ta ser

## Welga di estudiantenan na San Jose

SAN JOSE, 3 mei. — E federacion di estudiantenan di enseñanza secundaria, awe a proclama un welga.

E welga lo dura te dia cu Costa Rica kibra tur relacionnan diplomatica cu Cuba. E huelga a cuminsa awe mainta.



Aqui nos ta mira president di Indonesia, Dr. Soekarno durante su reciente bishita na Estados Unidos den un conversacion masha amica cu president Kennedy respectu desenvolvimientonan actual, conflictonan, casonan pendiente, contractonan i situacion di politica internacional. E conversacion aki a tuma luga den un esfera de lo mas cordial, mucho mas mehor cu mundo afo a quere, despues cu a ser publica cu Soekarno lo no bai Merca mas i toch el a bai. Despues di su deliberacionnan cu e president hoben aqui di Estados Unidos, Soekarno a bisa i reconoce cu Kennedy ta un gran politico, un persona dibertido den tratamiento i un alta diplomatico.